

S Afl. 1.25 LO

BRIYANDO FUERTE • TRECIENDO CLARIDAD
DIABIERNA 6 JUNI 2025

Di Pueblo

LEY DI SCREENING MESTER WORDO RESPETA

“Ohala demas Parlamentarionan uni
na e causa importante aki”



WWW.SOLODIPUEBLO.COM



SOLODIPUEBLO@GMAIL.COM

**FRACCION DI MEP NA
MUZANINN WEVER
(FUTURO): DUNA
BO OPINION RIBA
SCREENING DI MIKE
DE MEZA**



**HUES A CONDENA
OPA CU A ABUSA DI
SU NIETA MENOR DI
EDAD CONDENA NA
4 AÑA DI PRISON**

ARTICULO 8 DI E LEY DI INTEGRIDAD MINISTERS TA PAPIA CLA

Nos por a tuma nota di e sentencia
di hues awemainta cual ta un
sentencia cu nos a papia y anticipa
hopi dia caba: un hues no por sinta
riba stoel di Parlamento! Ademas,
e ley di screening di candidato
pa Minister ta papia bon cla kico
mester haci y den e sentencia ta
bisa e formadornan tambe cu nan
mester bay cumpli cu articulo 8 di
e ley di integridad pa Ministers.



**BOTO A HIT&RUN
UN HOBENCITA
TURISTA NA TRES
TRAPI**



Awo cu 2 florin mas, bo por gana e MEGA PLUS

*** Afl.**

560.000,-

*** Afl. 385.000,- + Afl. 175.000,-
extra**

Benta ta sera 7:30 pm y sorteo ta hunga 7:45 pm



HUNGA AWO



Marco Berlis (MEP): INTEGRIDAD LO KEDA “DERA” COMPLETAMENTE PA AVP/FUTURO CU NOMBRACION DI MIKE DE MEZA COMO MINISTER NOBO

Un Crisis di Balor y Principio den Gobernacion di Aruba

Pueblo no por tuma “a la ligera” e chaos cu ta existi alrededor di e nombracion di Mike de Meza como e posibel minister nobo di Energia y Infraestructura. Ta pa prome biaha den historia di Aruba nos ta wak un caso asina bergonzoso, na unda a lek practicamente tur informacion di su screening como candidato pa minister, y pueblo por a scucha y lesa pa su mes con e consejo di comportacion fiscal di sr. de Meza a resulta negativo y bergonzoso.

Cartera di Integridad a keda dera bao Gabinete AVP/FUTURO

No tabata nada straño cu e cartera di integridad a desaparece bao mando di e gabinete nobo di AVP/Futuro. Historia recien ta muestra nos tambe pakico e no tin sentido pa e dos partidonan aki pone integridad riba pedestal; “ambos partido a celebra y brasa corrupcion abiertamente enbes di condena esaki.” AVP y FUTURO a promete pueblo un politica nobo y moderno, pero ora di forma gobierno y a reparti cartera, inmediatamente a pone como prioridad pa “dera” integridad!

Kiebro di integridad, seriedad y

“voorbeeld functie” diparti Mike de Meza

AVP ta sigui trata na hustifica di tur manera e nombracion di sr. Mike de Meza como minister. Medionan amigo y e makinaria di Mike Eman ta manipulando informacion riba nan plataformanan. AVP kier logra nan “kier”, sin tene cuenta cu pueblo y sin trata na haci loke ta mas dificil; haci lo corecto! Pues, esaki ta e realidad di Mike de Meza 73 dia despues di formacion;

1. Mike de Meza no por a bira minister pasobra consejo di DIMP a sali negativo. Mike Eman y Gerlien a manda Mike pa drecha su cuenta cu DIMP y yega na areglonan pa su fayonan intencional di no paga belasting y no yena papelnan di belasting pa varios año.

2. Aunke de Meza su pagonan di belasting a “verjaar/caduca” y DIMP no por cobr’e mas, DIMP ta haya cu de Meza tin e responsabilidad moral pa paga e debe aki. Moralidad den AVP? No sir!

3. Mike de Meza NO ta paga belasting, pero si ta un persona humilde di nos comunidad e ora SI ciudadano mester paga y sufri e

consecuencianan. Esaki no por!

4. E situacion y forma inaceptabel con parlamentario de Meza ta trata cu su pagonan y responsabilidad di belasting, lo sigui causa cu pueblo ta perde confiansa den politica y gobierno formalmente.

5. E simpel hecho cu Mike de Meza a bay corte pa bringa su caso pa DIMP cambia su decision, ta demonstra cu e mes a conclui cu no ta etico pa bira minister cu un consejo negativo. Un minister su record mester ta impecabel, aunke nos sa cu AVP no ta preocupa cu esey.

6. Mike de Meza a perde su caso den corte: “Hues no por a dicta un sentencia y pesey de Meza no a haya” loke e la pidi p’e.” Henter e situacion a keda mescos, kiermeen DIMP a gana!

Integridad: Un Fundeshi di Bon Gobernacion

Integridad den gobernacion ta significa cu esnan cu ta goberna nos pais mester actua cu honestidad, transparencia y responsabilidad. Ora un candidato minister tin problema cu su propio comportacion fiscal, esaki ta crea un pregunta



serio tocante con e lo por goberna efectivamente. Si integridad tabata un prioridad, manera AVP/FUTURO a priminti den campaña electoral cu nan “politica nobo”, e nombracion aki lo mester a wordo rechasa. Sin embargo, locual nos ta mira ta cu e cartera di integridad a “desaparece” completamente for di e gabinete nobo.

Esaki ta un dia hopi scur pa Aruba. Pueblo ta premira cu Mike Eman lo posiciona Mike de Meza como minister di e mesun manera cu e la defende, hustifica, y celebra e sentencia di Benny. “Integridad a keda dera” bao di gobierno di FUTURO y AVP. Si pueblo desea mas informacion di e articulo aki, contact mi na cel: 560-5755 of email mi na: marcoberlis@hotmail.com / Bo sirbidor di pueblo na bo ordo semper!

Fraccion di MEP den Parlamento ta vigila e proceso di screening di Mike de Meza di serca

LEY DI SCREENING MESTER WORDO RESPETA

“Ohala demas Parlamentarionan uni na e causa importante aki”

ORANJESTAD - Diaranson 4 di Juni, hues a duna verdicto di corte den caso di Mike de Meza contra DIMP. Den su verdicto, hues a indica basicamente cu e no por atende e caso, y cu ta e formador mester atende cu e caso. Ademá, tur documento ta serca formadornan Mike Eman y Gerlien Croes ya desde 1 di maart caba y cu nada lo cambia mas, y a tira e bala bek den scochi di Prome Minister Mike Eman.

Tambe hues a indica cu den e caso aki tin algun punto cu ta traha den contra di Mike de Meza, y otro na su favor. Puntonan den Mike de Meza su desbentaha ta e echo cu den pasado na varios ocasion e no a entrega formulario di belasting (aangifte) na tempo, y tampoco e no a paga belasting na tempo. Punto na su favor ta cu unabes e screening a cuminsa, el a core entrega, y paga tur cos, y awor e no debe nada.



**FRACCION DI MEP TA PIDI CLARIDAD RIBA
NOMBRACION DI FREDERICK NUBOER DEN BOARD DI
UTILITIES Y REFINERIA DI ARUBA**

raccion di MEP den Parlamento a entrega preguntanan na minister interino di Energia, señor mr. Arthur Dowers, tocante e nombracion recien di señor Frederick Nuboer como miembro di Consejo di Supervision (RvC) di Utilities Aruba N.V. y Refineria di Aruba N.V.

E fraccion ta expresa preocupacion riba e nombracion aki, mirando e pasado di señor Nuboer. El a sali for di su puesto como presidente interino

di Algemene Rekenkamer
den 2021 despues di un
incidente di buracheria
den publico. Prome cu esey,
como director di Insel Air
Aruba, tabatin cuestion
di mal maneho financiero
y di no paga impuesto ni
prima.

“Nombracion di comisario den empresa estatal importante mester ta basa riba integridad, transparencia y capacidad,” segun e fraccion di MEP. “E pasado di señor Nuboor ta lanta duda serio tocante su aptitud pa vigila e tipo di empresa aki.”



Fraccion di MEP ta pidi
entre otro:

- Claridad riba e proceso di nombracion,
- Si a tuma luga un

evaluacion di integridad,

- Y si e gobierno ta dispuesto pa reconsidera e nombracion aki.

E fraccion ta enfatisa cu
confiansa den gobernacion
ta fundamental y cu
transparencia mester guia
cada decision publico.

BOTO A HIT&RUN UN HOBENCITA TURISTA NA TRES TRAPI

Tres Trapi - Diaranson
merdia e area notorio
aki un biaha mas
a bay den noticia,
momento cu un boto
aparentemente local
a dal un hobencita
turista den lama.



Den oranan di
merdia polis y tambe
ambulance un biaha
mas a wordo manda
cu urgencia Tres Trap,
pa un incidente serio
unda un hobencita
y su mama lo a yega
tera herida.

Locual cu a sosode
segun e turistanan,
nan lo tawata landa
den e zona "protehi"
unda boto no mag di

ta.
Segun esnan herida,
e boto local lo a slow
down despues cu e la
dal e mucha y despues
a gewoon bandona e
area lagando e herida
atras. E mama di e
mucha tambe lo a
wordo gedal.

Rapidresponder y
un Ambulance a

presenta unda cu na
yegada mesora a duna
e asistencia necesario
e momento ey y
despues sali direccion
Hospitaal cu e mucha
teenager segun nos a
compronde.

No ta conoci e
gravedad di e
heridanan di tanto e
mucha y su mama.

**GANA UN
DIY KIT PA**

**DIA DI
TATA**

**Haci bo compras
cerca nos pa dia
di tata y bo tin
chens pa gana e
ultimate DIY kit!**

A photograph showing two men, one in a plaid shirt and the other in a dark polo shirt, both wearing aprons and smiling as they work on a wooden project. In the foreground, a collection of green and black power tools is displayed on a wooden surface. The tools include a reciprocating saw, a jigsaw, a hand sander, a heat gun, a cordless drill, a circular saw, and an angle grinder. A small wrench is also visible.

**Campana ta valido entre 2 cu 14 di juni.
E ganador lo wordo anuncia dia 16 di juni 2025.**

SHOP NOW

 **Avenida Milio Croes 41**
 **(+297) 280 0222**

electro 



NoticiadiCorte

HUES A CONDENA OPA CU A ABUSA DI SU NIETA MENOR DI EDAD CONDENA NA 4 AÑA DI PRISON

ORANJESTAD – Awe mainta Hues a trata un caso penal y dicta sentencia di biaha, siendo cu e acusado no a presenta.

SOLO DI PUEBLO por a compronde cu e homber Colombiano M. (67) a bay for di Aruba, mientras cu e sa cu e tin e caso contra dje. Hues a dicidi di trata e caso tog y a conden'e na 4 aña di prison pa a abusa di su nieta menor di edad.

TRES ACUSACION DI ABUSO

Fiscal a presenta tres acusacion contra M.

** E promer acusacion ta cu den e periodo di 22 Augustus 2023 te 29 October 2023, M. a abusa di su nieta menor di edad.

** E di dos acusacion ta cu entre 2012 y 2015, M. a abusa di un otro famia, un mucha muher menor di edad.

** E di tres acusacion ta cu entre 2011 y 2012, M. a abusa di un otro famia, un mucha muher menor di edad.

FISCAL A EXIGI 5 AÑA DI PRISON

Fiscal a bisa Hues cu casonan asina ta fastioso pasobra tin declaracion di e victimanan contra declaracion di e sospechoso. Esey ta haci cu mester busca mas prueba.

Den e caso di e nieta, Fiscal a mostra cu e mama di e victima a mira su yiu ta keha di dolor. Asina a bin haya sa di e abuso cu e Opa a haci.

Den e caso di e otro dos muchanan, e muchanan a declara cu M. a bay siña nan core auto y tabata laga nan sinta den su scochi. E momento ey e tabata mishi cu nan partinan intimo. Segun e muchanan, esaki tabata sosode diferente biaha.

Fiscal a bisa Hues cu den e caso di e dos muchanan, e ta haya cu por usa como prueba cu M. a haci mesun cos cu tur dos mucha.

Fiscal a exige 5 aña di prison pa M.

HOMBER CONDENA NA 4 AÑA DI PRISON

Hues a sera tratamento di e caso y a bay evalua un rato pa despues dicta sentencia. Ora Hues a bolbe den sala di Corte, el a bisa cu e ta comparti punto di bista di Fiscal cu M. a abusa di su nieta. Hues ta haya cu tin suficiente prueba di sosten pasobra e mama di e victima a mira su yiu tabata keha di dolor na su parti intimo.

Pa loke ta e otro dos muchanan, Hues ta haya cu mester ta cauteloso pa bisa cu ta e mesun forma di actua di e sospechoso M. y usa esey como prueba di sosten. Hues ta haya cu no tin suficiente prueba y a declara M. liber pa e acusacion di abuso di e dos muchanan.

Hues a bisa cu e ta haya e promer caso hopi serio. Hues a sigui bisa cu abuso di mucha por afecta e mucha y casonan asina ta wordo rechaza den comunidad. Hues a condena M. na 4 aña di prison.

GOBIERNO Y SECTOR HOTELERO TRAHANDO HUNTO RIBA FUTURO DI TURISMO



Diamars 3 di juni, Prome Minister mr. Mike Eman, hunto cu sra. Tisa LaSorte y Minister di Turismo mr. Wendrick Cicilia, a inicia

cu un serie di encuentro cu e CEO-nan di hotelnan estableci na Aruba, den cuadro di e preparacion pa un Dialogo Social cu e sector hotelero cu ta planea pa fin di e luna aki.

E temanan discuti ta refleha e necesidad urgente pa yega na solucionnan duradero pa e crecimiento sostenibel di nos industria di turismo. E problema di maneho di awa di riool na AWSS, e falta di trahadonan den e sector di hospitalidad, y e scarsedad aumentando di vivienda ta solamente algun di e temanan cu mester trata cu urgencia. Ademá a trece den e combersacion e situacion laboral den

turismo den cual tin e necesidad pa crea mas oportunidad pa desaroyo y crecimiento profesional pa nos hendenan den e sector.

Un punto crucial ta e acceso pa nos beachnan publico y e lucha pa conserva nos identidad y autenticidad mey mey di tur e desaroyo turistico. Aruba su producto principal ta hustamente e autenticidad di nos comunidad, e hospitalidad natural di nos hendenan, y e compromiso sincero pa trata nos bishitantenan cu un bonbini caluroso. Esaki mes ta e forsa cu ta atrae turistanan pa bolbe, biaha tras di biaha.

Prome Minister a expresa su sincero gratitud na sra. Tisa LaSorte pa a carga y organisa e encuentronan importante aki, y tambe a gradici e Gabinete di Gobernador pa pone na disposicion e Cas

Ceremonial pa por tene e sessionnan aki. Esaki ta un momento di reflexiona riba con nos kier sigui desaroya nos industria turistico, den harmonia cu e bienestar di nos pueblo.

Clasificados




SOLODIPUEBLO@GMAIL.COM
CEL. 585 9500





Bira doño di bo
mesun cas

Hunto nos por logra mas.



FRACCION DI MEP NA MUZANINN WEVER (FUTURO): DUNA BO OPINION RIBA SCREENING DI MIKE DE MEZA

Den un post riba social media bastante elabora Parlamentario Muzaninn Wever di partido Futuro a lansa un atake contra oposicion cu lo ta duna informacion incorrecto di e screening di sr. Mike de Meza.

Fraccion di MEP a tuma nota, cu asombro, di e atakenan aki y ta puntra nan mes si ta Muzaninn mes a traha e post ey. Pasobra Muzaninn ta un parlamentario conoci pa haci hopi pregunta, pa e conoce e materia bon y pa despues duna su opinion. Pesey, Fraccion di MEP ta haya straño cu den henter e asunto di screening di nan colega Mike de Meza, ningun dia el a sali duna opinion. Hunto cu henter su partido a reina un silencio hermetico. Awe, diripiente, e ta sali ataca oposicion, pero sin base algun.

Sra. Muzanin, Fraccion di MEP ta reta bo persona

pa contesta e preguntanan aki:

1. Lesando e veredicto di awe, principalmente rechtsoverweging 1.2, bo persona ta di opinion cu Mike de Meza ta cumpli cu articulo 8 inciso 1a, den conhunto cu art 5 inciso 1 y 3?

2. Na bo opinion (etico, moral y huridico) Mike Eman por draag voor Mike de Meza como candidato?

3. Ykico ABO a haci y lo haci pa garantiza cu lo cumpli cu Landsverordening integriteit ministers?

Fraccion di MEP ta spera e contestanan cu e mesun curashi y smaak cu a skirbi e atake. Concluyendo, parlamentario Wever por ataca Mep, pero hecho ta keda cu tur parlamentario cu ta keto riba e tema di screening, ta complice di mal gobernacion. Awor ta ora pa Parlamentarionan vocifera nan opinion. Keda keto NO ta un opcion mas!



Expression of Interest Maintenance and Rehabilitation of the Mooring Dolphin at Port of Oranjestad

Aruba Ports Authority N.V. (APA) invites interested and qualified contractors with experience in nautical and maritime projects to submit Expression of Interest (EOI) for the purpose of determining their interest, capacity and expertise to undertake services of upcoming projects in the maritime sector. The project entails the maintenance and rehabilitation of the Mooring Dolphin at Port of Oranjestad. The purpose of the EOI is to identify construction companies that wish to participate in a forthcoming solicitation process. This EOI does not constitute a formal solicitation for bids, nor does it obligate APA to proceed with any contractual arrangements. Any requests for proposals (RFPs) will be issued separately.

Project Overview

In general terms the project entails the rehabilitation of the Mooring Dolphin at the east side of the Port of Oranjestad, works include:

- The rehabilitation of the underside of the Mooring Dolphin which has undergone years of erosion, where great part of layers of concrete has broken off and exposing the rebars,
- Rehabilitation of the guard rails and the ladder,
- Maintenance of the bollards on top of the Mooring Dolphin,
- Proper disposal of all waste material in compliance with local safety and environmental standards.

Contractor Requirements:

To be considered, contractors must have the following qualifications:

- Proven experience in maritime construction and/or nautical-related projects and steel piling field.
- Adequate workforce and equipment capacity to handle large-scale projects.
- Compliance with all local, regional, and international maritime safety standards and environment regulations.
- Strong project management skills with a demonstrated ability to meet deadlines and budget constraints.
- Previous successful partnerships or collaborations in the maritime industry are preferred.

Submission Requirements:

Interested contractors are requested to submit the following information:

1. Company profile and history, including a summary of relevant experience.
2. Detailed list of services offered within the maritime industry.
3. Evidence of past project successes, including project descriptions, timelines, and outcomes.
4. A summary of skilled workforce, their technical capabilities, and experience.
5. Proven financial stability to handle large projects.
6. Any additional relevant documents or certifications.

Deadline for Submission:

Final date to submit your expression of interest is **June 13, 2025 before 10:00 a.m.**

All should be directed to: tender@arubaports.com.

Subject/reference of email: Maintenance and Rehabilitation of the Mooring Dolphin at Port of Oranjestad

Next Steps:

Upon reviewing the submissions, APA will shortlist potential contractors and reserves the right to invite them for further discussions and tender submissions based on the information provided in the EOI.

We look forward to receiving your submission and potentially collaborating on this exciting project.
Sincerely,



Clasificados



SOLODIPUEBLO@GMAIL.COM
CEL. 585 9500



CU EXITO ARUBA BANK TA CONCLUI E EVENTO “BATTLE OF THE BANKS” CELEBRANDO 100 AÑA CU E MUNDO BANCARIO



Oranjestad- 05 di juni 2025 – Cu exito Aruba Bank a conclui su evento deportivo “Battle of the Banks”, un celebracion special den marco di su 100 aña di existencia. E competencia deportivo unico, caminda tur banco local a defende su nomber den un ambiente amical, a uni empleadonan y fanaticonan pa yega hunto durante varios actividad a termina exitosamente.

E banconan participante Caribbean Mercantile Bank, Royal Bank of Canada, Banco di Caribe,

Centrale Bank van Aruba, Total Bank y Aruba Bank a midi nan forza den Bowling, Volleyball, Bolas y Softball. Tur competencia a wordo caracteriza pa fair play, team spirit y pasion pa deporte.

A lo largo di e luna di mei, nos a mira emocion y entrega na cada deporte. Di e primer bola lansa te cu e ‘home run’, Battle of the Banks a demostra kiko por logra ora nos traha hunto den union y respet mutuo.

Aruba Bank ta expresa su sincero agradecimiento

na tur banco participante cu a demostra nan spirito deportivo, tur empleado, famia, amigonan y fanaticonan cu a yuda crea un dushi ambiente, brinda sosten y entusiasmo.

Battle of the Banks a sirbi no solamente pa celebra un siglo di operacion den sector bancario, pero pa honra e balornan di comunidad, colaboracion y bienestar. Nos ta mira dilanti pa mas iniciativa cu ta uni y fortalece nos lazo den comunidad.



Parlamentario Edgard Vrolijk:

ARTICULO 8 DI E LEY DI INTEGRIDAD

MINISTERS TA PAPIA CLA

Nos por a tuma nota di e sentencia di hues awemainta cual ta un sentencia cu nos a papia y anticipa hopi dia caba: un hues no por sinta riba stoel di Parlamento! Ademas, e ley di screening di candidato pa Minister ta papia bon cla kico mester haci y den e sentencia ta bisa e formadornan tambe cu nan mester bay cumpli cu articulo 8 di e ley di integridad pa Ministers.

Ki ora bo no ta aplica articulo 8 di e ley di integridad?

Articulo 8 di e ley di integridad ta papia di e candidato cu no pasa screening. E articulo ta splica cla y ta duna tur e situacionnan c'un formador no mag di draag voor un candidato pa bira minister. Articulo 8 ta uno cu bo no por desvia di dje, e articulo ta obliga e formador di sigui'e manera e ta skirbi. E ta bisa e formador den inciso 2 di articulo 8 cu e formador(nan) tin cu duna e candidato cu no a pasa e screening preto riba blanco cu e no ta ser presenta pa Minister na Gobernador hunto cu e motibo dicon. E motibo dicon e ora lo mester ta basa riba un di e situacionnan menciona den inciso 1 di articulo 1. Pues concluyendo: si e candidato a pasa screening di articulo 2, articulo 8 no ta aplicabel, e ta aplicabel ora un candidato no pasa screening. Sentencia di

hues awe a brinda claridad di e comportacion fiscal di sr. De Meza unda ta demonstra claramente cu repetitivamente e no a cumpli cu su debernan fiscal pa añanan largo cual ta un rekisito pa bira un posibel candidato pa minister. Pues sr. de Meza no a pasa e screening fiscal di articulo 2 di e ley di integridad.

Kico articulo 5 ta bisa con ta screen e candidato pa locual ta su situacion fiscal?

E ley ta papia di comportacion fiscal. Sacando di e sentencia di hues ta cla cu e patronchi di sr de Meza, pues su comportacion fiscal ta uno enberdad manera a ser declara den e screening como uno immoral. Sr. De Meza tin debe bieu cu su persona a laga verjaar y nos a yega di trece esaki dilanti na 2009 mientras cu e mes tabata Minister di Finansa. Su persona no ta entrega papel di impuesto, tin 5 compania cu debe di impuesto, y tin bataya ainda riba benta di shares cu departamento di impuesto. Den e mesun sentencia ta bisa bon cla cu ta despues cu a pidi di dos conseho di DIMP a core paga debenan atrasa pero si no ta paso e kier a bira minister e no lo a cumpli hamas cu su deber como bon ciudadano di paga impuesto. Pues concluyendo e directora a cumpli cu ley di integridad

door di manda su conseho a base di ley y no 1 pero 2 biaha cu Sr de Meza su comportacion cu impuesto ta keda uno immoral y ta haci cu conforme ley e no ta pasa e screening di articulo 2 ni cu e la core paga impuesto awo.

Pueblo, no confundi bo mes. Tur hende por tin debe na impuesto, por a keda sin paga pa un of otro motibo, pero e screening ta basa su mes riba comportacion fiscal. Un bon comportacion ta cu bo sa cu bo tin cu paga y bo ta percura pa un areglo di pago of kisas bo no ta di acuerdo cu un cobranza y bo ta cana e caminda corecto pa bringa esaki. Pero sr. De Meza a scoge pa repetitivamente ignora su deber como ciudadano di paga belasting, aña tras di aña, di mas cu 1 compania. Structuralmente el a scoge pa no cumpli cu su pais y keda sin paga belasting! E mas alarmante ta cu si AVP lo no a forma gobierno cu Futuro e chens ta grandi cu sr. De Meza lo no a ni worry pa bay paga belasting tampoco. Ta paso e kier bira Minister y a haya un ranca di orea, el a dicidi di cumpli. Pues su comportacion fiscal ta uno no etico y immoral, e no ta demonstra responsabilidad y mucho menos integridad.

Kico awo?

Den sentencia hues a bisa bon cla cu awo formador mester cumpli cu articulo 8 di e ley. Pues den



mesun sentencia hues ta mandando e formador pa cumpli cu articulo 8 cu ta traha explicitamente pa un candidato cu no a pasa screening. Pues e formador mester duna sr. de Meza e contestacion cu e no ta un candidato pa bira minister mas, preto riba blanco pa motibo di no a pasa e screening di articulo 2 di e ley di Integridad Ministers. Ademas, hues a bisa e formador, esta sr. Mike Eman bon cla cu e tin tur e documentonan den su posecion for di masha tempo caba pues no ta compronde pakico a alarga e proceso aki. Mike Eman tin cu haci lo corecto y aplica articulo 8 di ley di screening ministers y pone su decision riba papel pa caba!

Sr Eman cu declaracion di cobarde

Un biaha mas ta ser demonstra e falta di liderasgo y sigur muestra di cobardia p'awo purba

pusha e problema den stoma di Gobernador si e haci e voordracht di sr de Meza. Pues sr. Eman ta scoge conscientemente pa ignora articulo 8 di Ley di Screening! E sa bon cu Gobernador tin di percura pa nos estado di derecho ser respeta y cu e voordracht aki ta contra di ley unda cu un hende cu no a pasa screening toch ta ser manda como posibel candidato pa bira Minister. Concluyendo, nos lo sinta wak kico lo pasa y sigur nos lo wak con importante integridad ta pa Gobierno y tambe Gobernador. Awo Aruba complete sa cu nan kier pusha keto bay pa sr. De Meza bira minister, tur esaki mientras un hues a desenmascara su comportacion fiscal indicando un comportacion repetitivo di incumplimento mientras otronan si tin cu cumpli cu nan belasting debidamente.

Accion di Bario ta ranca sali na Bushiri Complex



Diahuebs mainta, Prome Minister mr. Mike Eman, acompaña pa representantenan di FCCA, DOW, Serlimar, Bureau City Inspector y GKMB, a tene e di dos edicion di “Accion di Bario”. E biaha aki, Accion di Bario a tuma luga na Bushiri Complex cu durante di e ultimo añanan a keda totalmente negligisha. Desde cu a cera e dump na Parkietenbos algun tempo atras sin tin un plan cla pa atende cu e retonan cu esaki lo a trece cu ne, hopi famia humilde a opta pa acumula desperdicio den cura di cas

te ora haya manera pa paga pa busca un baki di sushi pa deshaci di esakinan. Esaki ta trece problemanan serio di higiena den areanan habita cu por ta un peliger pa e habitantenan mes. Gabinete AVP-Futuro, cu e compromiso profundo pa mehora e bienestar di cada ciudadano y e calidad di bida di nos comunidad, ta mira e necesidad pa duna un man, den forma strucutura, pa deshaci di e problema di desperdicio den barionan. Apenas algun dia atras, a tene e accion di “Baki den Bario” den distrito di San Nicolas,

cu a duna un bista real di e situation di desperdicio na Aruba. Esaki tabata e caso tambe den Semeleerstraat na Noord, unda cu a topa cu un cantidad enorme di desperdicio acumula den curanan di cas di esnan cu no tin manera pa paga e gasto exorbitante di servicio di deshaci di sushi. “E bon comun nos mester pone nos dilanti caminda nos ta bay sirbi e interes, balor y cuido di cada un di nos ciudadanonan y specialmente e barionan cu tin reto”, Prome Minister Eman a subraya. Accion di Bario ta un proyecto di Gabinete AVP-Futuro cu structuralmente lo pasa den tur distrito y duna un man na esnan mas den necesidad. Ademas e ta sirbi e proposito pa stimula e habitantenan di cada bario pa yuda mantene nan cayanan limpi y organisa. Limpieza di nos barionan ta un responsabilidad colectivo y ta hunto nos por tin un Aruba limpi, cu ta dushi pa



TA BENDE: BBQ GRILL TIPO CRIYoyo I DURADERO



INFO JAMA:
5697787

TA BENDE:



“WELDING MASHIN 220v “
den bon Condicion.
Prijs AFL:250,
Info: jama
cel 5697787

Clasificados





SOLODIPUEBLO@GMAIL.COM
CEL. 585 9500



MAL INFORMACION TA PELIGROSO PA NOS TUR

ORANJESTAD, 5 JUNI 2025 - Durante e siman aki, a tuma nota cu un miembro di Parlamento, Sr. Edgard Vrolijk, a misinterpreta of kisas conscientementesaca for di contexto un rapport oficial di FitchRatings, titula “Caribbean Credit Profiles Improve, but Structural Challenges Remain” – pa directamente atacapartido RAIZ. E publicacion riba su Facebook ta contene afirmacionnan falso, fuera di contexto y sin base di ningun documento oficial di Fitch.

Como lider di RAIZ, mi ta sali pa defende no solamente nos partido, pero tambe integridad di e debate publico. E tipo di manipulacion aki no ta inocente. Ta un intento pa crea mal informacion y sembra duda den un momento crucial.

Mi ta invita tur ciudadanonan pa ta cauteloso ora di consumi tipo di remarca nan aki, filtra e tipo di “fake news” nan aki y evalua e situacion basa riba hecho concreto:

- Ningun momento den e rapport Fitch a menciona RAIZ, ni como causa pa inestabilidad politico, ni como impedimento pa reformanan fiscal.

- Al contrario, Fitch explicitamente ta destaca cu “Aruba has strong rule of law, and a long record of political and social stability.” / “Aruba tin un estado di derecho solido, y un record largo di estabilidad politico y



social.”

- Fitch a upgrade Aruba pa un status di investment grade (BBB-) y a mantene un outlook positivo, parcialmente “due to the strength of governance and ongoing fiscal reforms and our expectation that these will likely continue.”

- E rapport ta disponibel pa cualkier medio of compania interesa door di simplemente crea un account via FitchRatings nan website. Di mi parti mi lo comparti esaki via Facebook.

- Fitch su propio analistanan, Sr. Joshua Grundleger y Sr. Richard Francis, a confirma via email ayera cu no tabata ningun mencionamento di RAIZ of preocupacion politico den nan rapport/publicacion.

Pues e imagenan comparti door di Sr. Vrolijk ta un

analisis personal of cu a wordo saca door di puntra AI pa provee un resumen formulando e contesta segun Sr.Vrolijk su agenda partidario. Sr. Vrolijk a comunica publicamente e texto cu e la ricibi den Whatsapp como si fuera e contesta genera door di inteligencia artificial ta hecho. Pues probablemente sin lesa ful e rapport mes.Un comportacion preocupante riba su mes pa un Parlamentario.

Mi ta alerta nos comunidad pa rechasa cualkier “testimonio falso” of desinformacion partidario. Nos ta confia cu pueblo Arubano por sigui distingui entre manipulacion politico y realidad basa riba hecho. No laga otro hende pensa pa bo. Lesa, verifica, evalua y forma bo propio opinion.

5 PA DOÑONAN DI MASCOTA DURANTE MAL TEMPO

5

TIPS

1 Tene un “hurricane safety plan” pa bo familia. Na preparacion y inclui bo mascotas den dje. Kisa, nunca bo lo haci uso di dje pero “better be safe than sorry”. Didi e season di a seasonnan pa un “worst case scenario” y persura pa por eheda e plan aki na cualkier momento teniendo cuenta cu tur cos su bo haci lo mester ta facil y accesible pa por vanta pa 2 siman, por:

- Awa, euminda, algo pa pone awa y cuminda den dje
- Qualkier remedi cu a mascota ta astanda riba dje incluyendo su tratamiento contra sarpata, punga y hanturion (look: fecha di expiration!)
- Un pet carrier
- Un kathebel cu sa valing
- Saco di plastic pa pone nan cos di aden
- Extra lechi
- Un eoy hunga
- Buki di vacuna
- Si kien un potret di bo mascota

2 Persura pa bo mascota tin un caminda cu a por qinto sigur el a haya stress di tempo cu stress

3 Persura pa bo mascota tin un caminda cu a por qinto sigur el a haya stress di tempo cu stress

4 Persura pa bo mascota tin un caminda cu a por qinto sigur el a haya stress di tempo cu stress

5 Persura pa bo mascota tin un caminda cu a por qinto sigur el a haya stress di tempo cu stress

3 Hoben canando den Ser'i Noka pegando candela rond



Diaranson merdia a lagango e mondi aki na
drenta informe di cu tin 3
hoben canando den Ser'i
Noka pegando mondi na
candela ya ta 2 biaha caba
cu ta miranan cana bay
den mondi y ta core sali

pa e caso aki polis ta spera
cu pronto lo logra captura
nan. Bombero cada
biaha mester bay paga e
candelanan aki.

HOTLINE



744-0444

CAPT'E
Y MAND'E



12:35 PM

3G

GABINETE AVP-FUTURO: REVITALISACION DI BUSHIRI COMPLEX



Diahuebs mainta, durante e Accion di Bario na Bushiri Complex, Prome Minister mr. Mike Eman, acompaña pa representanten di FCCA, a comparti e grato

noticia cu FCCA, hunto cu Gobierno di Aruba lo inicia e renobacion di Bushiri Complex den su totalidad. Mirando den pasado con Gabinete Eman I y II a

revitalisa e casnan social na Yuwana Morto Complex y De Vuyst, Yara Complex, Village, Semeleerstraat y Sero Patrishi, awo ta turno pa revitalisa Bushiri Complex. Hunto cu FCCA,

lo bay duna e bario di Bushiri un “facelift” pa crea un ambiente miho pa e habitantenan y trece harmonia bek.

Sra. Jessica Posner di FCCA a splica cu e mision primordial di FCCA ta pa crea casnan accesibel y pagabel, pero cu un cas so su, sin e otro facilidatnan no ta bira un dushi hogar. Lo enfoca riba dos pilar strategico pa renoba e calidad di bida di e habitantenan. Esaki ta inclui camindanan renoba, areanan di sombra, acera renoba, facilidatnan di recreacion y varios mata. Di e 45 bario tur rond di Aruba, lo inicia cu 15 bario cu ta inclui esun di Bushiri. Ta importante pa enfoca riba e barionan existente y mirando pa dilanti, tur proyecto nobo di FCCA lo mester ta haci den un forma holistico cu ta inclui tur e aspectonan necesario pa un bon calidad di bida.

Parlamentario Stephanie Sevinger, habitante di e area di Bushiri, tambe

tabata presente y hopi orguyoso cu e anuncio importante aki pa su bario. Ta importante pa por biba un bida digno cu ta inclui e posibilidad pa como habitante, por recrea, move, socialisa y crea areanan comun cu hunto ta mantene. Parlamentario Sevinger ta hopi contento pa wak con FCCA hunto cu Gabinete AVP-Futuro ta duna prioridad na e barionan cu mas ta negligha.

Prome Minister Eman a subraya e importancia di nan filosofia profundo, “un filosofia di fe, amor y speransa manera cu nos ta sinti cu nos comunidad na e momento aki mas cu nunca tin mester, y pa e motibo ey, e binimento hunto awe di e comunidad en busca di un mehoracion di bida pa nos ciudadanonan, pa nos ta sumamento importante”. “E bon comun nos mester pone nos dilanti caminda ta bay sirbi e interes, balor y cuido di nos ciudadanonan”.

Clasificados

SOLODIPUEBLO@GMAIL.COM

CEL. 585 9500

SABIDURIA DEN NOS ALEGRIA

Skirbi pa Ruth "Lady Ruth" Vieswijk-Bergen



Nos por a lesa un relato biblico masha bunita y berdad den e prestigioso AWE MAINTA on line, skirbi pa Pastor Marcel Balootje cu tur bon intencion pa informa, inspira y re-educar nos pueblo. E parti cu ta bisa cu e tata ta e cabes di famia ta berdad pero lo ta algo duro y crenchi skerpi pa acepta pa hopi hende kizas, pa motibo cu awendia tin mamaman soltera cu ta mama y tata pareu. Y tin mamaman profesional cu ta traha y gana mas hopi cu nan casa of nan pareha. Nos no ta bay profundisa nos mes den esaki, ta lage algo di curason pa cada famia cu ta respeta otro den nan relacion y den famia. Lady Ruth ta di opinion cu ta bon pa e tata y mama tuma decisionnan importante hunto y no lage cay riba lomba di un di nan so. Ta wordo bisa hopi biaha cu mundo ta cambia bira mas dificil y mas complica, no shonnan, mundo no

ta cambia asina, si tin cambio den naturalesa cu e temporadanan di lente, zomer, herfst y winter, cambionan den construccion y moralidad. Ta hopi di nos, e hende, e ser humano ta cambia cu hamber pa mas, mas di esaki, mas di esaya, principalmente ora di wak propagandanan na television encuan to "make up" cu hopi hende muhe ta cay den nan trampa y cumpra productonan cu ta ponebo bira addicto na nan, simplemente pa ta "mas bunita". Ta un negoshi cu ta ranka hopi placa di bo cartera. Ta bon mes cu hombernan no ta hopi den cantidad cu tambe ta cay den trampa pa tinja cabey cu snor pa muestra mas hoben. Danki Dios cu tin hopi tata cu ta stima y cuida nan yuinan y ta pasa tempo cu nan na maneranan responsabel. Hopi tata ta gusta cuida nan cas, nan auto, nan trabao y ta gusta dal dos cerbes cu amigonan

durante un wega di domino of wak futbol of beisbol na televishon of sinta den tribuna den oranan liber. Tin tatanan hopi balente pa yuda cu trabaonan den cas, pone panja laba den wasmachine, pasa un basora, of laba coi kibra. Nan ta responsabel hunto pa e huishouding den cas. Esnan cu tawata den scouting ta hanja esaki algo normal y bon pa hasi, bo ta sinja survive y para riba bo mesun pianan y por cushisna, laba etc. yuda bo sra.esposa cu semper ta hasi tur lo demas den cas. Nos mester di nos tatanan, nos mester di tin homber den nos bida pa e balans bunita crea pa Creador di amor. Lady Ruth ta sumamente contento y bendiciona pa tin su kerido tata Lucas cu nan, den bon estado di salud y cu ketobay ta duna nos consehonan riba tur tereno. Bendiciona pa tin su casa, e tata di su dos yui hombernan serca dje y bendiciona cu tur



dos yui homber tambe ta bon tata di nan yuinan. Dios ta bon. Dios semper ta bon. Y aunke un dia comercial atrobe, ban duna nos tatanan mas tempo, atencion, respet y amor cu nan tambe merece. Nan ta fuerte fisicamente cu un humilde bon curason, y ta un lider, un guia super special pa nan yuinan. Scucha Lady Ruth su cancion dedica na tatanan titula : "E homber special" na Radio Galactica 99.9 FM. Nos ta desea tur tata un felis dia di Tata for di awe caba, cu hopi bendicion pa boso sigui ta un bon ehempel responsabel y confiabel pa boso yuinan. Danki Papa Lucas, danki Papa Johan, y tur otro tatanan pa ta e tatanan di mas special den famia. Nos ta stima, respeta, elogia, admira y gradici boso pa ta bon ehempel pa boso yuinan, nos nietonan. YOU are the blessings ! Pasa un dushi Dia di Tata y cu Tata Dios sigui bendiciona boso tur fisicamente, spiritualmente, emocionalmente y mentalmente pa boso sigui

carga e responsabilidad di ta e homber na cabes di boso famia. E regalo mas bunita pa un tata, ta, pa wak su yui of yuinan felis y responsabel firme para den nan mesun sapato. Un bon ciudadano ehemplar cu respet pa su mes y pa otro.

No ta e placa cu e tata ta duna ta tur cos. Muestra interes den e cresemento y desarroyo di e mucha ta locual ta importante tambe. Duna bo yuinan un bon ehempel pa e sa su valor. Danki pa lesa nos relato ! Un "bearhug" pa Aruba y specialmente pa tur e tatanan !



MINISTER DOWERS TA INTENSIFICA COOPERACION CONTRA CRIMEN DIGITAL DURANTE BISHITA NA HIGH TECH CRIME NA HULANDA

Como parti di su bishita oficial na Hulanda, Minister di Husticia mr. drs. Arthur Dowers a realisa un bishita importante cu e Hefe di Operacion di High-Tech Crime Unit di Korps Landelijke Politie Diensten, sr. Stan Duif. E reunion a concentra riba combatimento di crimen cibernetico, desaroyo di politica pa intervencion trempan, y fortificacion di e plataforma di cooperacion internacional. Crimen cibernetico ta un menasa creciente den e mundo moderno, cu ta evoluciona rapidamente y ta afecta tanto individuonan como institucionnan. Den region Caribense, nos ta mira un aumento di caso di fraude digital, phishing, robo di data personal y atakenan riba infraestructura critico. E vulnerabilidad di islanan chikito manera Aruba ta pone un enfasis mas grandi riba e necesidad pa fortalece nos defensa cibernetico y e cooperacion cu rednan internacional di siguridad digital.

Durante e reunion, Minister Dowers a pone enfasis riba e urgencia pa adapta nos sistema di husticia na e realidad digital di awendia, y a expresa su determinacion pa fortalece e cooperacion strategico entre Aruba y e autoridadnan di siguridad digital na Hulanda. Minister Dowers a reafirma cu Aruba ta dispuesto pa tuma paso concreto den prevencion di menasa digital, den colaboracion estrecho cu



su partnernan regional y internacional, pa salvaguardia e siguridad y tranquilidad di nos pueblo den un era cada bes mas conecta.



SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

